

data a l'orza al principio, quando el paron eridava, et non dapoi che l'havea investida, non saria seguito l'inconveniente; et essendome venuti li vostri remi infra le gambe, me trabucono in la vostra galia, et altro non so. *Relectum confirmavit.*

*Die dicto.*

Zuan da Corphò, balestrier *cum* la dicta, *cum* juramento examinato, *ut supra, respondit*: La nocte che seguite el caso dramatico, io havia reso la mia guardia, et era rimasto a pupa, dove ho sentito el paron che eridava de prova: guarda la galia, guarda la galia, che è sottovento. El comito rispose: Non paura, non paura niente, et comandò fusse issado l'anzolo, el qual par che non scorreva, et steteno alquanto in quello contrasto. El paron tuttavia eridava: orza, orza, et alhora el comito ordinò che desse el timon a la banda per Oriente. Et in quello, lo dua galia se accostono, et io subito corsi a prova, et, visto che la nostra ve haveva investido, et che erano una a presso l'altra, salsi sopra la vostra galia per scapolar la vita, chè dubitava, la nostra se affondasse per esser vechia. *Interrogatus respondit*: Et nostro patron era sopra la pupa accostado a la giesiola *cum* uno gaban atorno, et sollicitava che issassemo l'anzolo, quando el paron eridava, guarda la galia che è sotto vento. *Relectum confirmavit.*

*Dicto die.*

Andrea di Francesco da Venetia, fo compagno *cum* la dicta, *cum* juramento *super ultram* examinato, *respondit*: Attrovandome la nocte del caso a l'alboro che acconzava el carnal in pe' de l'anzolo, el qual non poteva scorrer, ho sentito el paron che eridava da prova: orza, orza, guarda la galia sottovento che la investimo; a le quali parole non me aricordo haver sentito alcuna risposta; ma tuti eridavano, et chi diceva una cossa et chi l'altra. El paron a tutta via eridava: orza, orza, et *tamen* la nostra andava a poza verso la vostra; et in tal modo tutte do se vano accostar, et se investiteno et *maxime* la nostra, che portò via el speron de la vostra; chè, se havessimo orzado quando el paron eridava, et non da poi che sono accostadi, non saria intervenuto mal alcuno; et quando le galie investiteno, io vedendomi in gran pericolo sopra la nostra galia, ch'era vechia, salti sopra la vostra per scapolar la vita, et altro non so. *Relectum confirmavit.*

*Dicto die.*

Lio da Corphò, era compagno *cum* la dicta, *cum* juramento *in præmissis* examinato, *respondit*: La nocte che la nostra galia investite questa del magnifico proveditor, io buttava man ad issar l'anzolo, el qual, essendo imboccado, convenissemo legar el carnal a la poza, et ho aldito el paron nostro che eridava da prova: orza, orza, e che l'è una galia sottovento, et non ha possudo così presto orzare che investissimo la vostra galia, et perchè in effetto el timon è molto duro da orzare; et io, visto che le galie erano una a presso l'altra, et che la nostra era mal conditionata, per scapolar la vita, salti sopra questa galia. *Interrogatus super infrascriptum, respondit*: El zorno avanti la nocte che investissemo, cerca una hora avanti sera, el pedom raxonava *cum* el nostro patron et *cum* el comito, et diceva, se nuj volessemo andar a Pontia, me basta l'animo metterve de meza nocte, et a quelle parole el patron et comito risposero: Come farà la magnificentia del provedador, faremo ancora nuj, et altro non so. *Relectum confirmavit.*

*Die 12 januarii, apud Messanam.*

Lunardo de Candia, comito *cum* la galia Zona, demandato *cum* juramento, *super ultram* examinato, *respondit*: Circa l'investire, che, si dice, haver facto la galia Faliara a questa del magnifico proveditor, non so alcuna cossa, salvo de la nocte de la fortuna, che s'attrovassemo insieme, ho aldito che quelli de la vostra galia eridavano alta voce ad una galia sopravvento, che io non so qual fusse, orza, orza, replicando più volte, et eridavano, verso la nostra galia, poza, poza. Et io andi tanto a poza che tolsi le velle a collo, et simelmente la vostra galia veniva tanto a poza che havevi tolto el filo dentro, et a quel modo accostada la galia rompessemo di remi una parte et l'altra; et altro non so. *Relectum confirmavit.*

*Dicto die.*

Marco Dandri, compagno *cum* el dicto, *cum* juramento *super ultram* examinato, *respondit*: La nocte che la nostra galia et la vostra se accostono et rompessemo remi assai, io era alunno, et ho visto alcune galie sopravvento de la nostra et sentito rumor et voce assai che eridavano a la dicta: orza, orza, et